



高峯集

共五

16
2341
1





高峯先生集序



天之將興斯文也必生鴻儒碩賢俾作宗主又有卓犖
閑通之士出而為之輔佐以羽翼斯道而使之明且行
焉自孔孟沒千有餘載而得程朱絕學復明當程子之
時有若邵張二子為之友游楊諸公為之弟子當朱子
之時有若南軒東萊為之友而蔡季通黃直卿之徒為
之弟子故聖如夫子而起助之益猶有望於門人顏淵
之夭至有天喪之慟相須之義可謂殷矣我東道學莫
盛於退陶及門之士傑然為聞人者甚衆而高峯竒先
生為之冠先生生稟卓絕之才博聞力學於書無所不
觀初從河西金先生游年三十二歲始拜退陶自執弟
子禮而退陶恒遜師席每遇微言遽首輒以叩之先生

而他門人莫得與焉 宣廟嘗追問退陶今世孰為學
問人退陶獨舉先生以對稱以通儒其見重如此其與
退陶論四端七情下筆數千萬言明暢辨博識者服其
精確先生拜退陶之歲始釋褐登朝士類望之若麟鳳
然每朝廷有大議論必待先生片言而後決先生資性
英特氣勁言厲初忤李樛幾跽而復起及在 經幄勸
講明切動以堯舜三代責難於 上嘗 明宣之際極
陳己卯乙巳始未開悟 上心卒伸公議至於德興典
禮及 原廟儀節辭義嚴正力破邪說卒使不至累
聖德者多先生之力云先生晚節有不樂處朝者謝病
南歸居三歲而卒春秋僅四十六先生之道既不大行
於世又不幸無年未及有所論著然攷其淵源所自則

退陶之門學者雖盛殆亦有先先生而堂室者若先生
其亦天之所命而得與於斯文者乎先生於文章不事
雕飾而氣力宏厚波瀾老成蔚然成一家言一時宗工
哲匠斂衽推服皆自以為不可望先生易簣踰五紀而
文集尚未刊行中經喪亂散逸頗多學者恨之今年春
趙役君纘韓守善山始謀鋟梓而屬序於維維以文陋
辭無何維出牧錦城先生之墓實在敝境竊懷高山景
行之感會趙使君千里走使申前請甚懇維既有隱感
於衷又重趙使君之請遂粗叙崖略以俟薦論君子之
折衷焉崇禎二年歲在己巳仲冬之吉日後學德水張
維謹序

文集之出於世者通古今凡幾家而其傳行也
不能無廣狹久近焉豈非人之所好有淺深所
尚有輕重哉好尚之淺深輕重不唯其文氣有
高下乃其旨義有精粗也夫文詞之工業章句
者猶可依樣而做出矣若義理之精微非見識
之透造詣之邃莫之能為兼蔡公共之取捨其
可誣乎在吾東唯高峯之文其庶幾矣哉嘗見
人之見高峯者獲聞其風度英秀議論俊拔自
恨生世差晚未及躬拜而面承也及今一善府
伯趙斯文續韓即公之孫甥也道公實迥寂詳

仍取公之於退溪李先生往復書貼遺示焉觀其長書盛札問難討究之際各悉其所見必皆要其歸於準的也固與文人詞士弄墨縱翰馳騁樹耀之為者遠矣蓋退溪常以斂箴謙退清修苦節之道自守焉高峯每以超揚發越直截峻特之義自勵焉氣象似不合矣而唯其篤信不貳愛好無射之意愈往愈密致慤致重或抑或揚有勸有戒至於片簡短牘所相勗者無非所以扶策砥礪之加也故不但公實取裁於退翁退翁亦多見益於公焉其所以磨礪成就者深

矣公之晚年行藏有不隨俗而發於文詞者多典重平雅之致焉然則雖高才美質必待就有道而正焉然後有成也今者趙府伯並其詩文刊而行之宜其好尚者深且重而傳行者廣且遠矣為關於世教也如何哉刊畢以顯光曾見其簡帖既有所感發焉今直一言於卷端敢以私自歎服者道焉崇禎己巳臘月日玉山張顯光志

高峯先生文集目錄

卷之一

二月二十五日泛舟 吟贈居士二首

向兩林書堂 道中漫成八首

在佛臺山得一絕 步月甫山口號二首

小軒 夏景

吟成長句三首 從牧伯飲

漫興三首 次圓機韻

小軒白重之丈 和牧伯韻

向莎村 偶書

偶吟

歷訪朴孝伯

調金仲顯

微雨白直夫年兄

觀察使歌謠三首

次柳僉使江亭

次松川韻

訪朴大均

雨中

波老赴約奉次

次吳牧使韻

鄭孝子詩

善承亡後記言

題扇

次松川韻

應舉有作

題金生員扇記興

李兵使夫人挽

遊七頭草亭

錦陽君夫人挽

和呈圓機十七首

別室示圓機

次詩字韻二十四首

登九井峯四望

奉和太均

道三尊三首

題示大均擇可

訪崔孤雲

和呈圓機

奉天用晦庵韻二首

偶題

西澗

次李重之韻

分韻得小字

和圓機韻二首

携天然作詩贈之

次朴和叔韻二首

宿甌峰庵二首

縱筆二首

次仲魯韻

示鄭子精二首

次天成韻三首

挽章三首

瀑布用晦庵韻

園碁

宿尹堪家二首

次大裕贈別韻

次洗心亭韻

次牧伯韻

感呈尹上舍

和公燮韻

別山

次圓機韻

抵羅山三首

偶成二首

用朴和叔韻二首

撫夷樓呈圓機

到立巖遊記

秋夜

到圭峰三首

上松川

迎日推策

即事

紅輪不暫駐

和金訓導示韻

翌日陽初復

次伯氏韻

靈臺候雲物

喜雨

丁卯正月初二日

示玄策上人

次諸公期韻

贈僧性默二首

又寄和叔六首

崔生負挽

示李真汝守二首

李新寧父挽

次唐天使韻

次短扇韻三首

詠日本躑躅

代侍兒作

明宗大王挽二首

醉贈細君

文定王后挽

偶書

武科錄名圖

寓居

送閔都事

次吳牧伯十四首

送李君禮

再用韻十四首

清江詞

三用韻三首

悼竒判尹

次牧伯韻

次銀臺諸公韻

古硯歌

湖亭偶吟二首

河出圖

用降字韻二首

憶李涵

兩湖山亭

訪仲幹亭

送友遊金剛山

悼秋巒

尚古挽二首

錄陰鶯語滑

次崔慶昌韻

贈別許令公

蒼梧墓

奪棄萬國

折檻

安危大臣在

用董圭峯韻

喜雨

寧賓館

端陽

退溪請焚新刊故作

舜殿歌薰風

次汝守韻

湖堂次韻三首

次王天使韻

日月行黃道

次汝守韻

萬柳堤

次牧隱韻

哀深迫大祥

再和季真汝守韻

虹流華渚

練光亭

送盧禎二首

快哉亭

挽成先生三首

次張天使韻

送柳忠貞

次百祥樓韻

江頭

玉連環體二首

送書狀官

次百祥樓韻

到良策述懷

送崔宣慰二首

外集

山堂寒日

次汝守韻

千山雪漲溪

登甫山四眺

天上秋期近

夜成

次宋判府韻

讀書

和公燮韻

次圓機韻

送朴和叔赴韓山

萬景樓呈主宰

用光牧韻

次士父尋字韻

痛悼領敦寧

龍巖用朱子韻

次友人韻

次上人詩軸韻

抱病偶吟

登九井峯

禹會村

劉三尊偶吟

送晉州牧使盧禎

次崔孤雲韻

蘇門長嘯

用晦庵韻

次君沃贈別韻

次天成韻

道中漫成二首

次太雲詩軸韻

用容齋韻

感贈大乘諸僧

次季真感舊韻

用晦庵韻述懷

慈秀山

步出前溪

次祁天使韻三首

次李真韻

和奉令案八首

次安定館韻

偶吟二首

次迎春堂韻

亞歲 次叔獻

卷之二

唐朔方謝賜冬衣表

郎署上疏二首

請作王會圖表

辭赴京使疏二首

賀新皇帝登極表

大司諫辭狀

謝恩表

迎慰使辭免

賀皇后上尊號表

大司成辭狀

方物表

副提學辭狀

聖節表三首

再辭狀

請令儒勿觀雜書箋

大司諫辭免

大成殿上梁文

擬下政院批

請留揚照奏

論文昭殿劄

辨誣奏

周宣遇旱論

倭書契修答

論困知記

文昭殿議

必自孟子始論

梓後冠服議

俛仰亭記

二主說

歲春亭記

移心法說

光州鄉校重修記

南薰殿記

祭退溪先生文二首

景賢堂記

祭柳景深文

玉川書院記

祭鄭校理文

俛仰亭記

祭朴致道文

穆宗皇帝祭文

明宗樂章

明宗魂殿祭文

竹村書院祝文

祭奇判尹文

祭趙文正公文

卷之三

退溪墓碣銘自銘並書

退翁墳銘

李公碑銘並序

鄭公行狀

李公墓碣銘

奇公行狀

李公墓碣記

金先生行狀

成先生墓誌銘

荅金晦叔書

金公墓碣銘

與金晦叔論祭儀書

尹公墓碣銘

荅龜巖書

張公墓碣銘

朱子節要跋

趙公墓碣銘

又荅間大祥冠服

奇府君墓記

又荅

先妣姜氏遷墓記

朱子節要序

荅退溪先生問目

又荅先生問目

二

米 心形 筭學

繼外祖母服

內艱

外艱

鄭哀侍

盧寡

悔

李彥迪

羅

整菴

續集論思錄上

高峯先生年譜

世宗嘉靖六年中宗大正丁亥十一月十八

日壬辰甲辰時先生生于光州召古龍里松

峴洞第先生本系幸州全高陽郡世居京師

無復當世意及母夫人歿服闋

十二年癸巳先生七歲始受學于家進先生自

五六歲疑重若成人視群兒遊戲微哂而已

十三年甲午先生八歲母夫人捐世傷痛摧裂

如成人

十四年乙未先生九歲讀孝經手寫孝經字畫

楷正先生舍兄叅奉欲觀角觝之戲於郊外
勿齋知之招還之叅奉慮其獲罰欲避走先
生執其手曰大人命招而兄若避走是重大
人之怒而過亦深矣垂涕而扶歸

十五年丙申先生十歲每日晨起靜坐一處誦
讀不徹

十六年丁酉先生十一歲勿齋上冷令幹婢供
給先生昆季一日婢與其夫坐寢室先生自
外入直立而熟視之婢勸之食不應而泣婢
訶之先生終夜不寐翌曉往依于書堂見比

丘授童蒙學即以大學聽受日課外兼誦童

蒙所學中庸孟子等書○金公緝見先生能

通六甲相生之理嘆曰甫之季父德陽先生

究性理之學為士林之宗甫亦能繼其業因

呼食字命作聯句先生應聲曰食無求飽君

子道稱服父之十二歲讀中庸古文真寶孟子等書
十三歲讀史略文理渙然

十九年庚子先生十四歲常好綱目逐日覽盡

一卷閉戶靜觀至忘寢食

二十年辛丑先生十五歲常手記先大人訓戒
之言書諸左右日以勉力曰自髫髻承庭訓

至于今日庶幾有成而氣質早凡愚駭如初
念之痛悼往者莫追來者將無勉乎嘗聞之
曰邵氏有聞見錄學者須有劄記以備不忘
茲用書所聞以為朝夕玩○是年春暮作西
京賦百三十句先生十六歲

二十二年癸卯先生十七歲先生追悼先夫人
早世年弱未能持服每至諱辰前期一朔白
衣素饌○閱前後漢書輿地勝覽

二十三年甲辰先生十八歲讀心經講究義理
篤志力學為文不專事科式 中廟升遐哭

臨素食至卒哭

二十四年乙巳先生十九歲 仁廟升遐哭臨
素食至卒哭及聞士林之禍終日廢食垂泣
閉戶不出嘗著一書以自戒

二十五年丙午先生二十歲秋赴鄉試進士入
格二等 先生二十一歲正月遊泮宮

二十七年戊申先生二十二歲娶羅州忠衛咸
豐李任之女

二十八年己酉先生二十三歲謁一齋先生李姓
名恒中司馬試俱二等

二十九年庚戌先生二十四歲八月初十日子
孝曾生

三十年辛亥先生二十五歲赴謁 聖試將上

第尹元衡忌其名下考落第即南歸 二十六歲
二十七歲

三十三年甲寅先生二十八歲赴東堂鄉試居

魁

三十四年乙卯先生二十九歲正月十五日丁

勿齋憂三月葬勿齋于家後東原作墓誌

三十五年丙辰先生三十歲三月遷先妣孺人

姜氏墓葬于先考之東異塋同兆作遷墓記

三十六年丁巳先生三十一歲三月服闋是月

遊瑞石山月出山○十一月子啓時生頴悟

絕人七歲而夭 三十一歲服闋遊瑞石月出山

三十七年戊午先生三十二歲四月遊頭流山

○七月拜河西金麟厚○八月往高陽拜先祖

墳塋○鄭秋巒來見講論天命圖說○十月

中文科乙科第一人是月拜退溪先生始發

四端七情○十一月南歸

三十八年己未先生三十三歲作四端七情說

槐院殿景居下

三十九年庚申先生三十四歲上退溪書論四端七情

四十年辛酉先生三十五歲九月子孝閔生○

授通仕郎權知承文院副正字○朱子文錄

成○三月還朝謝恩○五月拜藝文館檢閱

兼春秋館記事官請告南歸○十二月遷待

教兼如故是月又遷奉教有召命三十六歲拜檢閱陞奉教

四十二年癸亥先生三十七歲正月還朝謝恩

○三月拜承政院注書兼如故○四月除藝文

館奉教呈病適注書移授○五月隸習居中

適奉教授副司正○八月十七日被駁李探

府駁先生與朴素立尹斗壽尹根壽李文殷香許暉以先生為首削奪官爵門外黜送後數

日在堂上劄論李探等之罪而放逐之故不久復命叙用○十九日南歸

○九月拜藝文館奉教兼如故是月二十五

日聞青宮訃音舉哀○十月還朝謝恩選入

讀書堂○十一月授宣務郎拜弘文館副修

撰兼經 遙檢討官春秋館記事官

四十三年甲子先生三十八歲三月呈病適修

撰移拜典籍知製教○六月拜弘文館副修

撰知製教兼經 遙檢討官○十月拜兵曹

佐即知製教○十二月除成均典籍呈病適
兵曹佐即移授

四十四年乙丑先生三十九歲二月拜兵曹佐

即○六月授承議即拜成均館直講知製教

是月又拜吏曹正即知製教○十月兼校書

館校理○十一月乞南歸掃墓前妣房氏之

墓墓在清州修身里往來之路每掃省焉○十二月盧蘇齋量

移過鎮國院往見之論人心道心蘇齋以整

菴取見為的其後作困知記論以辨之

四十五年丙寅先生四十歲四月授通德即拜

禮曹正即知製教○六月順天府使金啓來

問二主之義先生辨答之後作二主說以寄

之○銜曹以先生曾經本曹超二資先生固

請改之○十月授通善即拜弘文館校理兼

如故是月又拜司諫院獻納知製教再有台

命還朝謝恩是月又陞舍人餘如故

隆慶元年丁卯先生四十一歲二月拜司憲府

掌令知製教○三月拜成均司藝知製教○

四月拜舍人知製教是月又拜司憲府掌令

○五月拜弘文館應教兼如故以遠接使後

事官往關西○十月授朝散大夫拜司憲府
執義兼如故

隆慶二年戊辰先生四十二歲正月授奉正大

夫拜弘文館直提學兼校書館判校餘如故

○二月陞通政大夫拜承政院同副承旨知

製教兼經筵參贊官時表從兄朴忠元兼帶同知春秋故兼春

秋不為下批是月又陞右副承旨餘如故○三月

以餞慰使向義州是月復命○四月以病適

承旨拜成均館大司成餘如故○七月拜退

溪先生於寓舍○八月以病適大司成拜退

曹參議○十一月拜承政院右副承旨○十

二月陞右承旨

隆慶三年己巳先生四十三歲三月送退溪先

生于東湖同宿江墅追送于奉恩寺船上寄

一絕奉別退溪退溪亦酬退溪寄出梅花詩

八絕示先生求和先生又追送退溪于楮子

島是月拜大司諫○四月十六日 文昭殿

奉審後詣闕是月拜左承旨○六月初四日

午時請對於 文政殿明辨金鎧事○七月

呈病適承旨○八月拜成均館大司成○九

月病適大司成

隆慶四年庚午先生四十四歲二月南歸出宿

漢江傾朝來餞金啓晦叔金就礪而精留宿

江上先生寄二絕亦之曰千里歸程必斷塊

終南烟霧掩修門吾君明聖無遺照恐被

人譏不憚煩歲月悠悠水共流天機如許

不曾留前年惜別傷心地今日南故亦自愁

次前年送別退溪額○五月樂庵成庵在顧馬山南其

別以待學者名曰東寮先生上退溪書云家

近山崖新等小庵意為栖遲之所欲以終字

京使時先生義既不合辭官退歸而○七月

再上章陳情○十二月聞退溪先生訃音舉

哀摧慟

隆慶五年辛未先生四十五歲正月送吊祭于

陶山○二月送奠祭于陶山是月十九日行

時祀于宗家日晚往賞歸全庵時孝曾柳激

金景生李運鴻郭顯從先生周視中麓招孝

曾指示一處曰人事不可知他日須葬我於

此地可也○三月十三日辭家廟往遊瑞石

山門人從之者甚衆是月歸拜家廟○四月

拜弘文館副提學兼經筵修撰官藝文館直提學有召命○五月上章乞辭是月又有召命促還上章乞辭是月與門人講太極圖○八月順天士人許思曾來請玉川書院記○九月除吏曹叅議

隆慶六年壬申先生四十六歲二月男啓業生是月拜成均館大司成二十五日掃墓先考妣塋墓二十七日赴命時先生充叅議請使故發行是月拜大司諫○四月初二日歷拜李一齋初三日有召命歷路往清州掃墓前母房氏墓是

月還朝謝恩○五月以病適大司諫○七月拜二曹叅議知製教○九月拜大司諫即日呈病不久適大司諫○十月初三日南歸傾朝來餞○初十日到天安始有疾十五日到泰仁疾彌劇仍留調治二十五日疾病梅塘金坵馳來問所欲言先生曰脩短命也死生天也不須關念但自少才氣有餘肆力文翰遂致意於聖賢之學中年以來雖有所得只以工夫不及常恐不副素志凜凜然日以省惕焉若於函丈之間接承古聖賢顏面有所

商論則吾亦無愧但事業不及於古人是用
悚惕雖然天假之以年優遊於林下得與學
者講究其終始則此亦一大幸也而病已至
此奈何且問家事荅曰有薄田數頃子孫自
然生活耳且曰吾欲就死於君家明日當往
耳君家有子婦是無異吾家也吾病雖重當
力就而終焉二十八日命侍者佖行赴梅塘
諸侍疾者慮其勞動請因留調治先生曰吾
將死矣吾豈死於公廨將上轎扶立整衣命
取笠冠之侍者不即進強促冠入轎又至梅

塘下轎又著冠入房內諸侍疾者八問候荅
曰吾到此氣似蘇客多主家受弊諸君不須
留各自還家可也是日 上聞先生病重特
遣 御醫承政院書狀今聞爾行到叅仁縣
得腎腫兼患上氣瘡實軫予懷茲遣醫官具
忭齎藥下送爾其服藥調護事有 旨吳忭
在塗而先生已不救矣三十日夕先生命孝
曾扶起坐良久還卧願語孝曾曰汝輕薄若
有涵蓄意思吾無憂矣言訖瞑日夜二更氣
證上攻侍者請進藥不荅四更大風雷電而

先生卒鷄既鳴矣即十一月初一日也先生在泰仁遠近門人之來問疾者甚衆到梅塘曾令故還留者數十人護喪而故計聞京師上震悼之京師之人相聚吊哭於終南寓舍朝廷請官庇喪葬乃於明年癸酉二月初八日葬于羅州治北烏山里通峴山廣谷卯坐酉向之原從先生所卜也遠近會葬者數百餘人

高峯先生年譜終

高峯先生文集卷第一

庚戌二月二十五日泛舟

春風吹江浪細作龍鱗感綠波漸生漪白日照沙石我時泛小舟千里屬一覲朴山幾何過仰巖亦已迫豈料風日猜回擢指幽麓將期仲幹亭已到卧龍巖獨詠天外颺歸思且可抑他年有心賞莫自忘今夕

向兩林書堂路中得之

漱齒寒澗水開襟竹下風僧來自不語卧者雲起峯

去歲在佛臺山嘗得一絕既已忘之率然記
憶一笑以識

孤倚巉峯望海天
羨人應在暮雲邊
書來為報平安信
細字踈行絕可憐

小軒

小軒日日添幽趣
病客年年葆退身
燉藥已抽前夜雨
殘梅初謝後園春
大盃且許追伶醉
短律應容撥憲貧
投老僻村甘世棄
剩從鄰叟道吾真

梅花數枝開亦最
晚冷成句用破幽寂

簷角寒梅亦自芳
夜深來繞意偏長
踈踈月照尊中影
細細風吹竹外香
破臘一枝那得見
斂春孤樹景堪傷
西湖病骨詩難到
准擬明朝醉發狂

又

江城春晚雨霏霏
一樹殘梅映短籬
剩欲折來憐雪落
有時看去亂烟披
小窓對月隨暗影
幽筵傳杯唳玉麈
着子會應和鼎寶
梢頭青蒂已離離

又

今年春景晚三月梅花開更值寒凝雪仍愁落
滿苔酒醒香裛袂夢斷影交盃萬里思相贈琴
條首獨回

漫興

故山春雨後花發蕨芽肥謾欲尋芳去應須詠
月歸和醪蒲盞嫩石菜著根翻醉卧風生耳陶
然忘世機

又

閉門終夜雨野水綠生漪土潤耕初利風眩草
漸萎小桃紅入萼細柳翠添絲為報幽棲友須

應把酒危

又

清晨起對書蒲洒志堪舒細細梅花落霏霏雨
點疎拈毫歌樂只飲水沃漿如自喜幽棲僻
簞擁小廬

小軒幽卧情興茫然率爾成詩奉呈一
升白重之丈

判得江湖十載身一尊開處兩三人蒼苔細雨
梅初謝缺月疎烟杏欲春天地悠悠吾自老風
塵衮衮子須擊驅除萬事猶謀醉醉後狂歌遺

葛巾

自錦城向莎村

海國春全到風光自一時
霏微連日雨浩蕩滿
城泥芳草侵幽徑閑花笑
短籬濁醪酬美節
興有新詩

偶吟

春到山中亦已遲
桃花初落蕨芽肥
破鑪煮酒仍孤酌
醉卧松根無是非

千葉桃調金仲顯

一樹芳桃立淺溪
鴛紅能使客魂迷
濃香曉露

濛濛濕嫩受和風
細細低會見有黃天
與實不期無語自成蹊
百年幽契併身世
肯信花衰始獨悽

南宮觀察使歌謠三首

國朝盛制度外內條理密
公孤管調燮臺憲勳
風節憂分守宰符化宣
巡使鉞維持百世遠
鞏固萬載活聖繼治益隆
綱舉目不忽孜孜緝幽
雅懇懇戒無逸發政澤和洽
施惠化洋溢四裔
屏便佞周行羅俊傑
相公柱石姿養重時望
蔚試郡洽道規寵錫下天
闕典牧與按道黔黎自

心悅伐石頌仁愛此事今古絕湖南奮百濟地
蟠朱垠濶物衆茲葉牙俗漓暴攘放縱已決周
德孰能承召菱委任實艱人官吏况陟黜王曰
咨汝往諭命何密勿水旱近荐臻哀哉民力竭
卿其務煦育赤子慰飢渴稽首奉綸音中心恒
對越四牡駕駢駢霜節懸秋月明燭竽獨部威
振狐狸窟慈裕理徹訟剛正謝干謁士咸崇禮
讓俗自安耕垵鰥生立海隅歌誦勉磨刮好瞻
祭戟臨仰歎明時烈矢詩當風謠斐然不諱拙
異日玉几傍儻祈奏一一

又

澤浹民歸化情醇國興賢龍龜隨處羨功鑄靈
貺自玄天白日明幽谷陽春遍海壖官廉俗朴
聖治宣歸報五雲邊

又

北闕承綸日南邦布化辰駢駢四牡駕朱輪萬
里極咨詢玉節明含旭金章爛映春風流渾似
廣平人姦猾服深仁

往朴習讀宅次柘川韻

雨淨溪山日氣和佩壺來集故侯家正怜綠柳

垂絲鞞時有黃鶯側翅過秩秩射帙觀善盛轟
轟歌鼓教歡多元龍更覺風流在青眼猶應送
落霞

雨中

只今身世已迷津獨卧空堂雨襲人日暮未堪
長缺拔夜深猶許短檠親踈烟漠漠疑封戶密
菓陰陰欲蓋鄰幽興撩詩應爛熳一盃相屬趁
芳辰

次吳牧使韻

自喜文翁化還應託有鄰笑談蠡測海酬唱耕

生春曜德輝南極懸情拱北辰風雲他日會洪
量鎮甘辛

善承亡後旬餘始得聞之驚恍累日聊記以
言

達生苦無術學道悔不早空餘曾哲歌百憂擾
懷抱念我素心人微疴遽云天飄零百年計寂
寞荒山道茫茫造化權袞袞浮生老出門不自
適三嘆向晴昊

次拓川韻

最愛桐花照酒盃笑談應得舊懷開江頭細路

溥疑暗策馬猶須信轡回

題金生負扇紀興

樓船十丈擁如雲
蕭鼓轟大日欲曛
松摧絕崖
根倒出沙掀
危趾浪回紋
江山有待吾能徃
風月無爭子與分
幽興爛熳身易辨
不妨劈手醉醺醺

遊七頭草亭

溪行盡日寫幽襟
更值華林落晚陰
稿薦石床人自夢
遠山踈雨一蟬吟

吟贈居士

高臺茂樹俯清湄
茅屋寒堂著老畸
一念南無消永晝
百年奔走愧全癡

又

川吼翻寒雪林深擁翠屏
倒衣看惡水高枕望
回汀丘壑琴三疊
乾坤酒一瓶
寂寥詩興發
未覺夕陽冥

途中謾成八首

愁外水流花謝意
中雲白山青
蹇驢破帽西去
無限長亭短亭
明月樓頭夢
斷美人應在天涯
起來裁書滿紙

碧山萬疊雲遮

野分人家八九夕陽遠樹依微忽聞竹籬犬吠
應有幽人獨歸

堤下荷花亂發堤上榆柳交陰一雙白鷺並坐
為問渠有何心

籬前秧稻萋萋竹外鷄聲裊裊老翁岸幘輕衫
起向花陰閑繞

老樹踈蟬咽咽松根流水涓涓有人獨立階上
倚杖閑望雲邊

清江抱村西去夾岸亂山四圍我今匹馬東渡

不知歸路是非

疊疊雲峯乍起青青野色愈鮮牧童牛背橫笛
落日路繞溪邊

同諸友步月甫山口號

涼夜與朋好步月江亭上夜久風露寒憇然發
深想

又

松蓋和烟杳江聲入夜聞涼風吹短榻歸路月
紛紛

夏景

蒲席筠床隨意卧
虛檀踈箔度微風
團圓更有生涼手
頓覺炎蒸一夜空

從牧伯飲

風靜天開矢道明
傳觴破的善哉爭
罰籌已覺蝟毛積
定是寒儒浪自驚

次圓機韻

經綸當代佐明君
水竹何年會共分
對榻談懷深夜雨
聯裾探勝晚山雲
蒼松更保霜前色
黃菊應饒雪下薰
最是相逢尊有酒
不妨携手且論文

和牧伯韻

清詩來入眼未覺錦
岫遠鏘然韶護音
政堪天堦獻聲名
湖海上曠志在肥
遯顧余未有知欲
追俊步健黃河不
辭濁中道神已困
方將取三休稽首為
炊飯

又

太行真坦道萬里未
為遠人生貴意合
荆玉何勞獻雲泉
夙有契一丘我欲
邀仙子授神訣百
歲保強健悠然枕
石卧事物不余困
充虛山可採况有
胡麻飯

偶書

幽居時復解吟詩可惜吾生已後期名酒自堪
連夕飲異書渾欲共人知寒潭月白秋容徹翠
巘風來夜漏遲濯足振衣千載興只今猶有渺
然思

歷訪朴孝伯

逢君話疇昔濁酒聊自斟微風動新竹時有一
蟬吟

又

秋目欲亭午吾行亦已遲臨風還對竹把酒且

論詩神契渾應愜逢場又自竒他時携手話擬
在蓑花湄

微雨不覺夜來春候亦已至矣殘年幽感誰
與共晤獨坐呻吟之餘偶然得之不復了了
也君以爲何如明彥白直夫年兄

物色含春意昭蘇眼忽開日華初泛柳風氣欲
舒梅麗景催吟筆殘年惡把盃料君先領略須
寄好詩來

次韻柳僉使江亭

小堂清絕鑿崖開橘樹蒼蒼映酒盃山吐烟霞

千古色江搖風月一時來春牕孤嘯鳥相和晚
艇輕蓑魚不猜自笑東鄰踈懶客幅巾耽興幾
徘徊

訪朴大均

綠江一棹興悠然來訪烟波老病仙人事可堪
輸白眼窮通更莫問蒼天秋林漠漠風吹惡寒
雨蕭蕭葉殞送相對一尊談笑地黃花何意管
流年

波老赴約仍有作奉次

偃蹇沙巖立微茫竹浦開小堂清得勝夫子迥

多才露拂千頭橘霜添十月梅故人聞已到羸
馬夜能來

鄭孝子詩

巍然錦城山南紀鎮為雄名都據形勝物產不
獨豐村村自喬木下維德人官事親極其孝精
誠與天通耆壽錫無彊八十顏始紅時從鄉老
會儀度儘躬躬怡怡談故事白叟皆趨躬大守
竦且敬意欲達難聽小子未有知卓行徒仰嵩
綴詩祀餘光萬古垂高風

題扇

樂景流空地欲蒸午窓揮汗困多蠅憐涼解引
清風至何必崑崙更踏水

團扇生風足秋來柰爾何爲君多少感寒熱不
同科

可以兄宅同揚判官應舉有作

清談坐覺古風還缺月留人睽屋山溫酒辟寒
陶逸興世間餘事任忙閑

鄰丈何曾吹子還心猿睡起喚山山開門仰視
天如水掃盡微雲星斗閑

李兵使夫人挽詞

兵使當年承重寄旌旄旄動遠隅夫人自是
司中饋一室怡怡養老姑

牧使錦陽君夫人安氏挽章

鉅門鍾麗質幼教茂徽儀不出收髦慟于歸剪
髻思理裝昭楚楚膺爵襲累累熊卜三難保蛇
符五自隨紉紉明古禮蘋藻展周詩懋德溫恭
備迎休福祿宜中疴神忽爽淹瘡氣全衰無奈
精裡鬼空勞徧詢醫寶區塵蝕彩錦瑟網粘絲
華屋涵風滿虛帷行夜逢鼓盆情罔極圖佛計
還悲擇對留嗟季爲尸天惜兒萬人共祖送雙

鶴啓瑩基歲事優從制潛靈妥集祺哀榮誰復
憾終遠儘能追未系猶通譜先容幸獲私飽聞
班氏誠頻炙老君規松柏瞻愈盛芝蘭想既滋
如何值揺落可耐泣離披題挽具遺蹟慙非絕
妙辭

辛酉八城龍門用贈僧韻謝余即和呈圓機
龍門老先生詩筆走驚電炙瘴關昏氛粹然紅
玉面瑚璉不自珍忝援終當薦聖明起遺賢行
矣安可卷

山遊六日興回首閃飛電寄卧竹林堂尚記梅
花面我欲拋世故尋僧共蒲薦蒼崖對久如白
雲看舒卷

又
我有一古劍夜夜光生電屠龍久未試塵垢慨
蒙面知音豈無日竒貨終必薦不然逝浮海揮
霍波濤卷

又
東海耀兵威清霜挾紫電伊我不敢敵縮手仍
頽面八珍味羅前安用蔬菜薦稽首願為臣授

戈旌旆卷

又

斫取赤龍肝雲池晴繞電空巖久埋寶蒼苔誰
剔面故使鳳御來龍門榻上薦虛堂一揮毫掃
盡千萬卷

又

陽交乃為雨陰軋或生電萬變妙不息太空猶
本面誰能體認此有如盥不薦去去息象綠山
中易一卷

又

昔我夢清邱九關守雷電稽首拜紫皇徘徊玉
墀面蟠桃會結實千歲當一薦王喬與控鶴下
界旋風卷

又

滄海結絲屨秋空溢狂電氣勢政如是肯自事
首面明堂棟樑隆玉璫黃流薦須公福蒼生何
用心詩卷

又

潛蛟古巖下珠光爛幽電精恠于蒼穹遠耀虛
牝面誰能採之來草草要時薦千秋騰上文坐

使姦雲卷

又

二月日生暄天機始見電風含發新氣苔上蒼
石面開花已成蓋柔草漸可薦欲賦溪上吟陶
詩將一卷

又

公詩如造化噓風而發電豈但到建安李杜亦
低面應須被瑤瑟清廟奏以薦還將倚天外滄
海期倒卷

又

萬事屋上九百年隙裡電世紛欲低眉風埃恐
浣面行將靖節歸詎敢毛遂薦葛巾與短衣永
日坐開卷

又

卜宅蒼山阿閱世笑秋電清風是知音明月真
識面悠然自可怡安敢望鷄薦階前且養蒼芭
蕉葉新卷

又

殘生虛喘月新詩光曳電挑燈覓餘句苦詠堪
皴面明朝共論文庶以此意薦呼酒且痛飲胸

中烟霧卷

又

塞駭豈聞雷閉明不駭電萬化妙一心至理具
面面溪毛斯為羞行潦或可薦愚之庶有會渺
然且換卷

又

讀書未了義如雲際翻電平生坐此病不得窺
上面凜雪物外累凝心思敬薦他年或有得無
舒亦無卷

又

大化日夜沉逝者迅於電渺余生苦晚古人未
見面龍門幸誤許圓機蒙濫薦夫心寫拙詩不
覺已盈卷

癸亥圓機再用詩字韻寄示同龍門和呈遂
與往復午後海羨倅梁叔躔適來通判為上
撫夷設筵射帙余亦叅圓機被醒未出獨佳
什屢至龍門暨余酬答不暇復因杯勺未能
繼次者蓋四五篇焉醉墨淋漓終相為戲頗
有做不成者聊以博笑云

開懷猶綠酒發興更新詩偶作三人話還令此

事奇相逢難衮衮歸路且遲遲瘦馬吟鞭遠西
峯落日時

又

江梅春已著幽萼似催詩累紙公何捷孤冷我
未奇含情詞就久多病酒醒遲來日留清語虛
堂對榻時

又

歸策吾當早停驂爲和詩歡娛三日勝風韻一
生奇柳鞭烟光潤梅含日色遲相從酬羨景清
盈記他時

伉拙知無用舍毫脫學詩思深篇致意吟苦字
求奇英雄今有數湖海會何遲催席頻添興相
看一笑時

又

春日明高閣閑愁正惱詩忙中初遣興難處豈
能奇兀坐游心遠微吟下字遲才踈吾欲睡散
髮更多時

又

清晨開病眼幾首程如詩景色元挑興情懷豈
訖奇小奚愁報數孤客恠行遲後會知何處春

江綠漲時

又

微妙難窺易和平愛說詩會心真有味寓目更
成竒文豈三冬之功須十載遲故園茅屋靜披
卷幾多時

又

相酬多會意吾豈敢逃詩奮格精仍妙新聲正
又竒揮鞭愁日晚對酒願春遲南止休嫌阻萍
蓬亦有時

又

似聞佳客至吾輩合休詩弓勁才還捷盃深興
太竒虛閣青春好孤城白日遲勝遊從爛熳雷
鼓亂鳴時

又

難割煩遊刃高懷不廢詩書臨伯英健字問子
雲竒堅壁知無敵投降愧自遲重圍須酒解樓
上把盃時

又

徙倚春樓上江山為助詩淡烟還帶色遠樹更
添竒鳴鼓頻頻報新篇故故遲弛張傳自古勝

事幸同時

又

得酒生新興踈狂已諱詩樓雲霏漸合池月影
初竒玉罕開懷遠瑤琴下指遙清遊元自勝行
樂况春時

又

憑攔闕覓句正憶簡齋詩青竹題應遍寒梅對
又竒清談開抱盡泥醉把盃遲顛倒休相訝逢
場此一時

又

乾坤空抱志一技笑吟詩猶復揮毫健須應抑
韻竒剛被侵陵惡那堪搜索逢相逢真自惱深
夜若思時

又

樓上開清宴衙中繼好詩天星雲裡見山火夜
深竒蠟燭移頻近花盃把不遲歡娛方未畢喔
喔聽雞時

又

初罷鳴弓射還為落筆詩擊盤歌自放擁妓坐
成竒家柰吟頭掉愁看舞袖遲風流真自幸佳

興聳當時

又

高談縱我酒清興
崇君詩大醉後他得狂吟任
自竒微烟侵樹合新月下山遙
歌舞看餘態開
懷爛熳時

又

百籌輸子去高興
幸休詩把酒思還逸移燈事
亦竒尖風隔幔動孤月傍
林邊後夜知相對開
懷欠此時

又

松川吾執友尊伯
更能詩偶接嘉儀靜還窺小
子竒夜席傳盃細高樓罷宴遲
兩鄉川路遠
迨又何時

又

夜室且歸卧閑繾
東海詩片言猶出口廿首轉
探竒欲和吾嫌拙相須子若遲
挑燈空吮墨兀
坐不眠時

又

深酌從春事融情有古詩
迂踈多跌宕臭腐化
神竒困睡知難起
晨光不覺遲清娥休試意醉

爛倚屏時

又

燈燼頻頻剪愁顏各詠詩逢君真是幸拈筆亦
為奇元積能何隱龍門巧自遲孤蹤知絕望空
館卧休時

又

龍門清不寐剪燭更題詩思壯篇篇逸情新句
句奇寒落天星曉丁東玉漏遲自慙狂興爛軒
睡達朝時

又

昨日樓中飲端須記一詩鸞弓發必中橫笛聽
尤奇共作騰騰醉相携步步遲侵陵尤積老西
室獨醒時

人均到擇可書堂以詩見邀往奉和呈

書堂對梅巷日夕聞君至煩襟稍自怡更有新
詩寄

挑燈小酌書示人均擇可

孤燈照夜堂細雨簷花發佳期偶然諧不寐者
落月

汲水貯瓶插梅枝其中踈葢皆拆取春栢英

同插清絕可愛龍門記以五字聊奉和呈圓
機

汲水滿幽瓶寒梅踈影清阿誰著紅栢醉眼頓
能明

偶題

庭前小草挾風薰殘夢初醒午酒醺深院落花
春晝未隔簾蜂蝶晚紛紛

次李重之韻

池塘春草晚萋萋隱几閑今日向西風撼殘梅
飄白雪雨露幽遙淨芳泥垂楊帶霧村村暗好

鳥迎時樹樹啼聞道新亭開滕槩携藜杖步
苔磯

同朴大均和圓機韻

清湖百頃淡烟籠岸夾黃蘆蓼吐紅小艇晚移
寒月上滿杉風露夜深濃

窮海藏身計不非白鷗相近肯相遠漁歌遠出
青林外猶擁烟蓑戴月歸

次朴和叔韻

陰雨忽云霄夕陽來八窓斂襟獨自省驗此一
團腔

又

月掛珠璣樹雲橫劍戟山玉簫吹不徹孤鶴夜深寒

縱筆

清風動萬松白雲滿幽谷山人獨夜步溪水鳴寒玉

又

寓物寄幽寃玃時結遐想然世外人山中歸意王

書示鄭子精

西風塵暑雨生涼相對閑吟苦憶鄉乞與夢魂
飲未得極天猶見白雲長

淨滌氛昏六腑涼北窗高卧睡為鄉何人與解
蒙莊意一笑晴天快活長

挽章

夙承閨訓戒須臾婉婉容功德自符歡託結禰
蟾每滿慟深埋玉鳳初孤青蘿翳翳雲截萋丹
旆翩翩雨灑榆薤露數聲殘月下不堪流恨滿
山隅

天賦柔儀自淑真蘭芳玉潔照無鄰并加髦拂

仍三歲合鬢眉看只五旬琴斷綉簾風動悅鏡
對華屋月侵首乘鸞一去雲迷影孤哭那堪白
髮新
青年天主送南陽沉慟幽闈影自傷淚洒寒雲
悲宿草魂飄冷月集枯楊忽訝仙軀凌苦霧可
堪荒隴落繁霜孤娃尚幕中郎業豐篆芳名萬
古長

圍碁

空堂閑坐且圍碁撥得幽懷自一奇
蜩甲形骸真欲幻蛛絲意緒故堪遲
涪翁妙句心能會商

皓神撥手已知戲罷一場成
浩笑綠楊黃鳥亂啼時

次大裕贈別韻

洛北逢秋住又還海天歸夢共雲山
風塵漠漠霜侵鬢歧路茫茫酒解顏
桂月影穿茅屋裡沙鷗聲聞竹窻間
幽棲有味身兼遠歲暮寒林石作關

次牧伯遊大谷洞觀拾栗有詩奉次

山園栗罇拾來同畫角三聲落晚風
橐貯萬苞渾得雋斛量千顆竟成雄
偷閑自感昇平澤觀

樂應知造化功一豫有詩天借便州民爭看火
城紅

九日主倅與井邑秦仁二倅登城頭招公燮
及余同話公燮有詩次韻

清樽白幕古城頭巖畔幽花已得秋長笛一聲
雲送月醉吟何惜更相留

次圓機韻

日月行天上風雲隔海中自知時有命還愧拙
為工丘壑應容懶乾坤定逆窮黃花吾對汝把
酒且披胸

偶成

累日寄山齋釋紛聊自輕晝永春氣滿境靜禪
意盈暄風將微雨幽草日日生偶此感物化緬
然含深情

又

躡巖俯遠郊倚松玩新月曳杖步幽徑形影兩
奇絕

撫夷樓戲效拗體呈圓機

盾日侵樓勢欲蒸上床豪氣憶陳登青衿冰片
頻消熱玉麈談鋒轉却蠅歌扇舞仁渾有熊酒

兵詩陣各呈能同君臭味誰分別
淄水從前尚合澠

秋夜

素節收殘暑新涼漸逼肥
雨聲侵榻冷虫響近
床悲抱寂妨趨事偷閑
任後時幽憂知夜永萬
緒入支頤

別室示圓機

銜山日脚影微茫相對蓮塘引興長
一局彈碁無限笑不妨身世滯江鄉

登九井峯四望

蒼蒼月出山海岸寔高峙塵蹤阻探歷
歲暮心不已今來亦何憊一盪胷中滓
矯首試俯瞰開豁無依倚茫茫附地山
渺渺接天水北極庶可攀扶桑想如尺
巖溜滴成坎龍跡亦竒詭迥立遡長風
式觀元始氣玄機一震蕩融結自有理
休將太空中擬諸微塵裡默識庶得之
強揣真妄矣反求心地初妙用亦如是

到三尊快雨大至俄而晴澈以木落寒山淨
江空秋月高分韻

長風卷葉散猛雨隨雲迸一霎動威靈
吁誰起

高峯集一
權柄返照射石壁更覺山容靚吾儕約自諧敢
不荷天慶開軒望遠野浩然發清詠狂雲漸解
駁星河冷相映悠悠夜氣澄昭昭天宇淨俯仰
淡無累吾幾獨也正

又

逶迤緣峻嶺散側隄危砉午到三尊庵形氣何
胥肝放日嘯南雲天風吹幡幢冥冥惡雨來狂
勢令人懍玄霧泄深谷飛霞射破窓造物悅難
測有似翻濤江俄頃簷溜絕前峯露崆峒前楹
步道遙暮鼓聲逢逢山深早閉戶喜聞門外足

金陵為馳信送酒蒲幽缸闔詩各不眠橫陣
長杠令嚴才不盡謾欲添明缸叻燥鳴益悲曲
終聲仍擬伊我老且拙自宜安愚養揚眉競相
逐神疲語多咤嬰孩未有知曹鄴不成那解衣
且飲酒上策誰能雙白玉莫自銜洪鍾復待撞
蒼頭笛數弄士久歌一腔熙熙入醉鄉懷抱淳
而厖遨遊自可樂慎莫驚村狔駟馬紆蒼組畢
竟嬰金鍬荷鋤理春畦釣魚隨烟艫既慕遼東
管亦學襄陽龐時逢世人瀟灑心相降意遠
爵不縻筆健鼎可扛老去上白雲玄圃聽淙淙

寄語二三子為汝斲株椿

又

山頭初日已翻鴉海上微茫起紫霞此去蓬萊
應不遠碧桃千樹幾開花

入青鶴洞訪崔孤雲

孤雲千載入鍊形已騎鶴雙溪空舊蹟白雲迷
洞壑微生仰高風響往意數數朗詠流水詩逸
氣壓橫壑安得謝紛囂共君遊碧落

自黃屯抵奉天用晦庵韻

林深雲作障路險石為城驟雨流餘澤斜陽倚

半明風埃聊腕跡丘壑欲尋盟夜久聞鐘響脩
然淨念生

又

詭巖胡鬼欲欺天殿閣崇深奮蹟傳斷倒榻根
真不易令人空憶太平年

西澗

蒼崖束幽澗狂勢蕩研缺運鎬萬古雲月碎三
更雪窮源不見人湛湛自清澈開顏憇窮石眇
思澗下說陰陽忽盪摩終始氣相徹奔流繼日
夜人代速如瞥靜觀意未收佇立眼生纈

以小雨晨光內初來葉上聞分韻得小字
群峯儼如拱深谷頗窈窕孤庵占靈境一宿神
欲矯絕頂想我運未上與先挑晨光稍明晦霧
雨來昏昏如絲漫沾濕珠玉垂林抄翕歛乍紛
紜轉覺愁腸流鴻濛一氣中有如日未曉豐隆
不可將百物迷大小緬思造化權一笑愧余謏
洒塵諒多慰淡行宵月皎爽然涉脩蹊起忽出
雲表俯瞰積蘇內翩翩騎鳳鳥

携天然到義神作詩贈之

我行何頭流中路聞異說高巖有神廟妖鬼憑

店闌榻福随手翻敝俗爭媚悅紛紛巫覡徒粗
慝作災孽逶迤幾百年牀牀無敢撤壞柵昧何
自一舉迅掃滅石髓蕩相分陰魅已未絕聞來
起欽想見面意取切鳴笳七佛庵憇堂日欲暎
之顏遇凜然聞知惡提挈開懷叩其端本末許
陳列衣纓荷世系弓馬事閱閱陌身設構間剝
膚罪難雪毀體託山林憂心空惺惺浮遊靡自
安歲月寄一瞥茲山疎南垠靈境慕真潔去何
備淫辭聖母加汚鱗盜賊奔走之生民浚膏血
如聆吟嘯歌依巫肆罨餐復立迦葉軀尊奉更

相均瘵癩與瘖聾競來香果設幽明紛雜亂男
女多瀆媒醜詭枉成風欲談行口舌前年煩一
窺肝膽洵激烈推摩擷絕姦老拳石可裂骹骸
被象逼深憤余薄劣抑塞久不伸往往食亦噎
頃者又感心健步走喘嶮巖崖趨可倒雙眼電
交掣恠魅鼓微威變幻騁驚桀直視奮猛勢忽
若隨烟茂押迫在須臾頽像寒幽穴氛昏廓糞
除日月仰昭晰還歸倚枯几勃勃怒稍喋喋
噪黃口大義固不屑伊我聽是說不覺屢擊節
磊落信可尚物表養俊傑玄黃初未剖一理上

下徹陰陽有鬼神窈冥不可絜因心起夜賽聖
智垂軌轍民神豈相慢幽顯途又別悠悠降叔
季先王澤寢渴妖恠乍蠶生沉患遍倪壘狐狸
恣賜燠木石強離烈盼嚙積邪惑煽動共填咽
禮樂置不用世道極扞捏斯誠仁者憂關之須
勇決吾師負奇器志槩堅若鐵斷倒千古謬英
略振詐譎苟能克是道流恩溥魚鼈鄙夫誠怯
弱嘆息腸內熱推行先聖訓授師以秘訣鎖錮
淬奇鋒揮霍光已澈深戒戒待時慎莫撻蛇蝎
知雄且守雌木剛亦易折斂飭庶自反用力學

軒頡勗勞勿憚煩歲暮勤不輟一朝有所得終
身詎虧缺師今厲清狂譬如鷹不紕飄飄任往
來寧可惡蟻垤去矣念吾言誠心幸如結狂詩
寫餘懷高名安敢竊不忍使無傳聊用示來哲

宿甌峯菴

超然詣宿願飛步出雲端峯蒼丘陵小逶迤洞
壑寬舉頭白日近滿袖清風寒仙客知何處吾
將問大還

又

陟名山興渺然臨風回首積蘇邊此身已踞

層雲外頭上蒼蒼更有天

雨晴後觀前澗瀑流次仲魯韻

大壑泓澄惡峽間毒龍催雨激豪湍盈虛自有
無窮意今昨何須作異觀

次天城韻三首

名山踏遍路高低更向危橋俯碧溪仙客不淹
雲鎖壑丹崖唯見鶴來棲

壑蟠崖矗拱竒峯怒瀑中飈爽吐風惆悵羽人
難邂逅只憑孤鶴望層空

羣石穿林路屈盤忽逢危構碧雲問天風吹散

高峯集一
銀河水神想飄然出九寰

瀑布用晦庵韻

蒸嵐吹去暗流景照來清飛舞林間色轟騰地
底聲高柶猶有跡真境更多情安得凌虛術幽
尋度此生

發雙磳到龍頭翼臣已來待午後抵尹堪家

宿

倦客歸來曉夢濃不禁初日上東峯流鶯自覺
多嬌思喚友聲中起我慵

步尋幽壑歷崔巍多荷山靈不我猜輕雨霽時
收綵靄長風吹處卷浮埃天庭渺渺身親近塵
界茫茫首却回九骨自憐難久住隨綠歸去更
徘徊

次遊洗心亭板上韻

古松低水淡雲輕虛閣玲瓏穩恆名坐久人禽
拚兩忘吟餘心跡喜雙清田園興僻陶元亮丘
壑盟深向子平一酌沅霞生遠想笛聲琴韻謾
多情

尹上舍以患痢不出為設壺果以送之感而
有呈

高峯集一
文武高才久竊聞
傍門誰遣阻餘薰
悲歡一任天邊月
聚散終歸樹杪雲
滿意壺觴承款密
開懷書札荷殷勤
自憐菲薄難酬仰
注目蒼巒行夕曛

別山

扶輿清淑此焉窮
磅礴頭流氣勢雄
萬古橫天瞻莽莽
三才拱極仰崇崇
元精固護張猶翕
潛澤流行感即通
多少往來人不盡
却慙靈境秘冲融

自玉果抵羅山馬上口占

事欲盡心非假飾
學能窮理乃真知
莫言聖路無難治
用力行時步步遲

自恨持心尚未堅
感時隨物苦多難
何當激滌真源淨
恁作虛空一鑑看

反已寧嫌莫我知
聖門遺意可無疑
驀然把斷公私界
政是當年下學時

到證覺寺晚起用朴和叔韻

初擺塵紛夢亦疑
晚窓閑坐看雲時
空濛勢欲浮山去
此路升天未可知

又

振策登中嶺伸眉仰石臺林間行犖峭雲際步
縈回足弱思興筍喉乾憶鼎梅山居知幾許
望碧霞盃

到立巖遊詠

奇巖天試削劍立鋒差差扶昔仰其巔翕翕玄
雲垂鴻濛昔未剖敲笑調群妃相承輒層累截
壁而連璣瑰瑋儻難狀詭特誰能知蒼樾托幽
根歲久枝葉低亦有數叢花媚日初舍姿岩魄
笑余陋探始窮遐思冥冥造化權此豈為神奇
剛柔一闔闢融結機自隨把酒臨長風揮筆題

新詩安求不死藥看盡消磨時

到圭峯

河陰擢同雲泗上峙日觀崔嵬排高旻騰擲帶
銀漢安知巖石奇亦秀東海畔削劣截半空縹
緲雲雨斷平生慕遠遊竚立發浩歎禪心古井
澄世慮春水泮氛埃方未豁欲待東方旦剛凝
莽何窮此理期一貫

又

朗廓無塵境清高不住天幽花散石罅古木倚
巖邊日轉南溟活雲移北斗懸來遊窮勝賞渾

覺挾飛仙

又

瑞石名山峙海堦蓬瀛風日正依然群仙更莫
怪清遠我亦今來景上巔

上柘川

縮手旁觀守葆光祗今雲屋對荒涼屠龍未必
終憐目分虎應復為叢崇深院雨收新篠合小
塘風靜晚荷香閑身正要輸清景萬事馳除入
醉鄉

即事

小檻玲瓏地自偏輕衫徙倚夕陽邊風生饑虎
林中石雨黑垂龍甕裡天牧豎倒騎閑弄笛漁
翁堅坐謾臨淵眼隨度鳥長空沒山外晴虹接
紫烟

次全訓導辱和示及韻

故遠蒼雲鎖澗泉瑤琴閑抱自無絃人間美譽
仍輸百物外清歡恰取千日暮鳥烏啼柳幕風
微蜂蝶舞花筵懸知富貴徒為爾更與回家望
有年

次伯氏韻呈公燮

獨將脩綆汲寒泉不為無人便絕絃試躡羊腸
盤百八會隨鵬翼擊三千野亭得句風生塵江
閣傳盃月滿筵自愧狂踈功力缺偶因鄰曲不
忘年

喜雨

同風塵暑隋氛氳尾響騷騷夜轉聞已覺滂沱
均率土還將豐穰祚明君郊原浩渺猶翻日澗
谷蒼茫欲漲雲巖寺閉門緇古史映空芳篆擢
爐薰

宿根峴小菴書示玄策上人

松樞陰森擁小天蕭蕭茅屋構三椽白雲影透
晴窓裡寒澗聲侵淨几邊點檢東峯詩卷字談
諧而竺法輪緣浮生定有歸栖地從此閑居契
暮年

贈雙溪僧性默

幾年收視卧幽岑餅鉢蕭然只此心明月滿樓
清夜求白雲埋谷暮天深訪古惠師聊寓跡題
詩願可孰知音自慙懶拙因塵白回首青山謾
獨吟

又

雲間隱約秀孤岑正對幽人不染心泉噴雪花
松徑濕日烘嵐氣石堂深寒灰撥火香生篆靜
夜持珠磬設音宴坐百年拚到岸瀾翻千偈試
長吟

崔生負挽詞

憶昔中宗世掄材拔俊髦飛騰歌在泮歸卧辨
遊濠湖海三盃酒雲霄一羽毛返真玄馭杳蕭
瑟聽松濤

李新寧父挽詞

卜宅窮湖畔偷然與世疎老來除有酒閑處自

能漁樂易情何速恬安氣欲舒九旬還脫屣喬
木擁荒廬

次吳牧使短扇歌韻

踈桐月墮鴉翻葉密竹螢流雨撼林景是夜深
殘酒醒寒燈明案自無滯

浮世榮枯只自知不堪人事轉頭非江湖斗覺
生涯富花蒲幽蹊酒蒲危

凌波羅襪步輕盈雨散陽臺月欲晴南浦曲終
人去遠倚天雲樹正含情

陪柳觀察使飲代侍兒作

馬峯集一
三十一
爍炬燒殘淚未乾
瑤琴激越曲初闌
憑君欲就青樓舞
翠黛羅衫不耐寒

醉贈細君

百歲如今醉夢間
歡遊何處不清安
夜來燈火唯君共
細討幽期卜晚閑

偶書

湖海幽居只自怡
十年應有百篇詩
蒼苔缺月梅千本
細雨斜陽菊一枝
甕裡濁醪誰與共
沙邊好鳥獨相期
悠悠萬事還拋盡
醉倒春風拂面時

寓居

此身於世轉支離
卧病江湖春復歸
枕上幾成千里夢
卷中閑記數年詩
梅含雪意花猶拆
柳帶風威絮不飛
欲待日溫遊野外
一盞元自瀉幽期

昔東坡謫居儋耳
有詩云甕間畢卓
防偷酒壁後匡衡
不點燈余嘗覽之
自笑今年春適寓
居逍遙亭陰懶廢
日甚遂與人事踈
濶實有蘇仙之感
回以其字為韻賦
詩成十四首奉呈
吳牧伯案下仍祈
郢呈

散疴寄海村春日照茅棟淡泊誰與晤卧看天
宇空梅花一夜發綠酒凝寒甕獨斟自可怡悠
然曲肱夢

又

幽棲澹無營結宇松竹間林疎眼豁然鳥鳴春
意開蔣藥培新芽日暮孤掩關時見江浦上漁
舟自往還

又

嗟余頑愚質讀書伸佔畢規規航斷潢無計看
海日僂勉不自舍淹留歲屢失晤歎可如何寂

寔恒抱一

又

短生意猶長眇然企古學循循不自舍持志貴
堅確保養義理正勿受利欲斲他時瞻仲間庶
幾所立卓

又

天高游氣褰靈境耀萬方佳人搢翠袖浩歌得
幽芳我坐塵齋中試向雲際望在鴻獨何之猗
蘆以自防

又

皎月出林表幽光照高樓寒衾夢易斷起步卷
斗牛夜闌蒲庭霜璀璨襲綿裘無心適自娛雖
閑誰謂偷

又

春至自不知寒光著高柳招尋有好人共飲一
盃酒生物日夜流榮華遞衰朽偶然得佳辰談
笑無何有

又

幽憂得自潛廢書時面壁洗心守太素而忘喧
與寂春草日以生我志日以適靜歎清風來踈

篁寒露滴

又

失學已蹉跎伉拙只自守遠懷漫浪叟亦復羞
曲肘石砌酌花鳥江水變春酒想應不羈士
我千載後

又

守寂在窮巷涉世無寸長空餘骯髒姿已得稱
踈狂士固有三敗或能成一匡曠然自娛樂歲
暮以為常

又

朱黉耀庭下脩竹倚門衡日暄烏鳥樂室幽窓
戶明獨處誰晤語散髮卧南榮夢騎雙青鸞飛
上白玉京

又

東坡老居士竄謫蠻瘴窟欣然紅玉面豈自鑠
外物病起秋堂空孤唵海上月珠璣落人間聚
爛見所不

又

揚帆春渚上日麗浪不馳沙鷗自靜集岸花香
捨苻尊酌有餘歡佳賓相對儼夷猶灌漑歸非

為慕曾點

又

孤念不自聊閉窓仍曲肱陶然掃煩襟澹如雲
水僧倦鳥宿頽簷飢鼠亦奔騰夜求不得寐霜
月當踈燈

再用韻

少小尚無賴打鼓騎屋棟折節晚始悔讀書安
屢空終然如漢陰灌畦還抱甕優遊且自適入
世孰非夢

又

端居志不舒倘徉山水間窈窕空林色庭宇頗
寬閑清暇日脩脩黃鳥鳴闌關牧童亦自歌帶
月驅牛還

又

抗志窮海涖琴碁志願畢亦復值漁叟談笑移
白日塞鳥了倚伏雞虫看得失歲暮遂忘喧披
襟酌真一

又

寒淺世所棄荒陬守獨學壘壘只自適小心亦
專確廢期丁解牛終然扁老斲聖道豈遠人他

時不苦卓

又

壯遊慕古人迹欲蹈四方崑崙拜群聖月挂亦
已芳撫枝歌慷慨下土幾弦望應復飲美酒懷
抱謝關防

又

夜中不能寐幽步上層樓仰看列宿橫浩歌懷
飯牛梅花說萬本脩竹吾菟裘倚柱有所思亦
足走群偷

又

地偏心亦遠，脩然慕五柳。習氣空餘詩，聊復賦
止酒。虛名自可厭，安用垂不朽。笑娛得此生，塵
紛又何有。

又

惠施空五車，相如猶四壁。力田不救飢，歲暮抱
孤寂。天風吹百草，琴酒聊自適。眷言據槁梧，夜
聞空階滴。

又

隔幔辭即園，操矛伐墨守。歲晚生計疎，壞榻閤
生肘。沉吟萬古意，破愁還有酒。好醜俱泯如，雙

響拋身後

又

庭前有喬木，謾自凌雲長。枝葉蔭牀敷，著此四
明狂。作賦且擬揚，說詩還慕匡。逍遙聊卒歲，亦
復看尋常。

又

潛心聖賢訓，在輿者倚衡。浮囂却掃除，靈臺澹
虛明。出門瞰四野，春木亦已榮。時序不我留，幽
憂獨京京。

又

我家竹浦濱便是雲水窟孤味天外飈俯飲盃
中物寒江動春意流雲吐華月對此清心慮歡
娛其可否

又

中酒卧寒齋夢覺竹風颭寤歎得隱憂沉光何
在并起坐看古書中情獨自儼緬然遂不寐鷄
鳴更五點

又

學道幾垂橐涉世三折肱退身蓬草間蕭然有
家僧牀頭白酒熟獨酌仍嘗騰昏昏不覺曉照

壁耿寒燈

三用韻只三篇寫呈

先生醇古姿材氣蔚時棟分憂宅錦州恩威撫
師空清名取熊掌鷄肋笑箠甕蕭然世外心已
了羲皇夢

又

道高極恢恢胸次屢萬間不受朱墨鬧水木娛
清閑蓬萊日月迥虎豹守九關何當乘雲霓叩
鐸奏珠還

又

清晨起盥漱驚喜在手筆天球粹而溫幽光千
旭日入眼駭然惑撫已反自失傾困欲往報庶
幾萬分一

次牧伯韻

鑪熏晴晝事天君淡淡寒空淨掃雲一念聖狂
須密察鬼人關外路初分

古硯歌

麒麟獨駕過大荒白虹貫日光舊約青童俯拾
不琢玉蒸栗疑是女媧鍊瘖葆羨中粹溫持
贈幽榻與作硯滋含春雨雲滿池晶射曉月晴

片電花香襲屏晴影掃風力水酒寒聲顛剛才
儼挺一元秀虛中欲涵萬物變德全自可試磨
沮容靜未必從輾轉滄江歲晚抱支離相守只
有書萬卷磨礪頑鈍托素帙乘雲行貢蓬萊殿
採經定奏無逸篇撫史且草伯夷傳終然酬志
別君去金華羊老六鰲拊蟠桃結實會有時碧
海萬里應識面

閏十月書堂

御題

河出圖

一氣胚渾溟中開先有理同冲融玄機乍闢
自宣朗流形竒耦照無窮嘗聞龍馬負圖出河

不愛道天其通伏羲神聖默相契推究旋毛數
相同二七上躋一六沉五與十号居中宮三八
為朋四九友四方分位環西東五十有五成變
化陰陽妙用何尾鴻應知神道顯德行聖人能
事著始終兩儀四象任排揆開物成務代天工
聖賢相繼發關鑰遺經萬古開群蒙溷晦如今
足歎息河圖之妙誰能充我願 楓宸留乙覽
推數知理思反躬無為陶冶時靡爭傳之後嗣
垂玄風

迎日推策

崑崙無外運陰陽赫赫當空萬景光夜晝降升
誰復測夏冬紆縮亦難量天心自覺興神物聖
智端能發秘藏揲策遠推知不忒明時授曆意
何長

紅輪不暫駐

屋角紅輪歎易斜起觀玄象轉交加扶桑清影
終開宇弱水餘光已鑠霞塵世紛紛人自老天
機袞袞歲頻華生逢化國舒長日鼓磬寧為大
嗟嗟

至日陽初復

無極舍陽氣滿盈誰知半夜起雷聲朋來自覺
千門闢順動行看萬物生息旅開關思哲后揜
身防欲憶前英今逢正道方興日只恐窮陰有
取爭

靈臺候雲物

一氣流行天地中網緼膠輅何眇綿善惡感号
精侵盪蒸雲吐氛相縈旋作臺迺望驗休咎周
王玄德應通天當時經營俾勿亟庶民子來成
功造臺成突兀軼浮埃錫名以靈民攸虔昕晡
觀候此堪宜至理不獨叅魚鳶德隆化洽陰陽

調森森煜煜烟非烟太史原筮妙有質八風沕
穆旋坤乾岐陽鳴鳥久不聞嗚呼此意誰能詮
寥寥僅見求平君辟雍禮罷初寅綠甬來風雨
靈且曠書雲奮規空存焉飭身敬天察其幾推
之政事無不然寧憂霜電感灾物產祥降嘏多
豐年小臣有懷不敢陳斐然且賦靈臺篇

立春

冬至陽生積漸馴臘窮渾覺自回春初從地底
微通信已向天中暗葆醇簷日淡凌仍滴午野
烟迷雪乍凝晨岸容山意寒都薄物色入心喜

欲句細採薦盤纖手送香醪傾甕玉盃巡昏媚
歲暮家家競簫鼓年豐處處陳綺殿氤氳梅幾
馥瑤階清切柳纔顰循環節序終為始受謝風
光故得新推測詐堪微一氣擴充真是驗吾仁
欣逢交泰慙無補強消詞頭徹 紫宸

丁卯正月初二日

明滅孤燈欲曙天擁衾歎卧意茫然身多疾病
思桑梓道乏經綸愧聖賢薄技豈堪時所用浮
名真與禍相逐因循不覺流光失虛負人間四
十年

次諸公期韻

獨來湖上佇佳期掃榻道遙日有為風撼柳條
纔欲鞞雪封梅蒼不曾披荻烟縷縷當簷散月
影微微八戶隨高枕細聽寒漏未夢回晴旭上
簾時

又用期韻寄和叔

問舍求田寬作期箇中筋力尚能為形模只得
從人笑肝膽應須為國披休說就陰看影滅每
慙無實致名隨委心安命他何恤萬事悠悠蓋
棺時

涉七風光自有期餘寒料峭更奚爲村烟靄靄
暄初弄江日暉暉凍欲披跨馬出郊情不極帶
醒揮筆興如隨斜陽蒲屋琴書靜喫酒茫茫散
髮時

孤臣猥值太平期眩筮探囊之所爲憎李自堪
陳仲咄羊裘復遣子陵披茆庵靜久村常正緊
陌趨多病更隨四顧覲君垂護恤微軀庶見放
還時

君詩遙與古人期信筆何曾用意爲盥手展來
驚玉碎捧心看去豁雲披平生風義真知厚餘

事文章不許隨稽首雌聲吾欲罷半窓斜日卧
遊時

累牘聯編豈所期揮毫落紙任君爲登壇賈勇
頻頻捷入室鉤深往往披把梓槐檀紛倚薄蛟
螭螻蚓亂交隨郢人已死誰能繼會待風斤斷

至時

一室蕭然病與期且求醫藥見施爲凝塵滿席
渾忘掃散帙埋頭久絕披軀殼倦餘心獨寓夢
魂歸處氣偏隨故人知我生涯苦何不来尋悄
悄時

大學士和期頡兩首見示輒敢仰次示孝真
汝守兩僚

春光來復恰如期妙意難窺造物為暖樹烟迷
紅欲吐寒燕雨細綠將披爭蒼鳥雀鳴聲樂競
日兒童喜氣隨芳景漸融歡緒愜梅花初發月

明時

龍灣千里迫歸期怯膽初驚勇士為指下銀鈎
光乍動腹中金甲耀堪披謫仙豪氣將詩就吏
部高才載筆隨樽俎雍容得人服摛華光國在
今時

次唐天使石將軍韻

鴻荒扶立偶如人天護堅材閱萬春憑物發言
寧尊晉受鞭梁海不驚秦皮將骨裹頑無髓琢
似磨難羨謝珉留與陋邦空作鎮豈堪攻玉致
精裡

和叔家詠日本躑躅

絳紗披萼倚輕明日照風輕淡有情表朽自慙
逢絕艷一壺醺醪若為傾

明宗大王挽章二首

冲年嗣歷服聰斷仰慈規至孝真無間幽明自

不疑姦邪終遁迹宗社儘隆基忽徹鈞天樂難
堪萬姓悲

又

受命迎華使驚摧祀國天袞袍俄就禮丹仗
遽昇僊殞絕心空死歸來影自憐隆恩何以報
清血洒重泉

文定王后挽章

帝纘朝鮮業坡原毓慶彌縟儀歸以社厚德在
無非迄定危疑際仍同聽斷時坤元何功趨功
烈更昭垂

武科錄名圖

高棟深簷敞一廳綵衣髻案凜儀形門前騰蹋
鞍鞞耀階下睢盱面目熒標咎斥停悲墮并注
名推試喜緣冥邦知繪事開丹禁物色生輝荷靈

送閔都事赴咸鏡幕初

之子面如玉關河今遠征風流幕下盛冰雪宵
中清驛路花爭散滄波月欲明相思應寄字相
送一舍情

送李君禮赴錦山

人說古錦州水清山更幽烟霞在異境樓觀擅

名區簿牒無多訟，鷄豚不乏羞。君今乘五馬，親
養復何憂。

清江詞

清江流不極，入海無回波。與君共遊戲，感此情
若何。託鞶比金石，生死同琢磨。風塵兩濯漉，皎
皎幽意多。相將永不移，浮世看微渦。

悼竒判尹

洪謨毅略廓無方，烹幹調和宵莫量。天不憇遺
人望絕，國將何賴。聖情傷深山虎逝，狸還聘
大澤龍亡。鱸更揚，豈但小臣家禍慘，自緣憂世。

淡滂滂

次銀臺諸公韻

傾否天開運，仲寬聖需。是百爲無失舉，一札有
求言。巖谷春消凍，郊原日破昏。行看錢折貫，且
對酒盈尊。

湖亭偶吟贈諸公

堂成酒熟客回車，秉燭開筵樂有餘。寒月漏雲
光不定，暝烟籠水色交。虛消消玉犖，飛還數艷
艷。黃花笑自如，乘興浩然遠。遠近却疑天地是
蘧廬。

屋角流光似轉車江山今見九秋餘蕭蕭落木
空飄雨疊疊遙岑欲掉虛松下佩蠶情不盡水
邊邀客興何如踈狂自有偷閑癖未必明時厭
直廬

同牧伯柳令公飲話用降字韻

秋半茅茨物色降幅巾時復拓虛窓天邊遠挹
玲瓏畝野外平臨宛轉江飛電謾爭鄰老局濁
醪還對野人缸可憐身世無拘檢閑看林鴉接
翅雙

雲鶴高標未易降偶隨綠業在軒窓培心理義
明升日觸手機鋒沛決江自愧魏瓠參蓋簋却
憐周鼎混罌缸何當推致巖廊上國士于今想
少雙

憶李涵

夢裡梅花滿樹新覺來清想在元賓人問有累
難藏拙物外無營心養真殘暑一回須退減斯
文千古未埃塵何時邂逅成佳會對月臨風意
自親

訪仲幹亭子大均以病不來詩以傳意

南山雲起初截畝西浦潮生欲浚洲佳景不窮

人獨遠暮堂環坐更牽愁

悼秋密

去歲哭河西今歲哭秋密善人相繼行道喪無時還念我固陋資已矣何所振寂寞卧幽齋流淚空潺湲

綠陰鶯語滑 庭試

嫩葉交加萬木清流鶯百啭有餘聲嬌如兒女音初繞和比笙簧韻更成氣候競催仍恰恰天機自動謾嚶嚶對時育物 先王享紫禁開時想睿情

贈別許令公

理在吾心未易明要從窮格驗推行尋常見解如差謬終恐工夫誤一生

奄棄萬國十韻

中天撫運業彌隆四十餘年享祿豐司契高居躬睿默垂衣端拱識淵冲乾坤沕穆無為化日月貞明不宰功秉德已能凝至道游神聊復振玄風丹成龍駕悲難及蹤脫弓遺恨莫窮仙馭茫茫雲路遠靈筵翳翳玉宸空驪山寂寞晨烟合渭水荒涼夜月籠未命初頒貽燕翼餘威猶

赫剔姦凶群黎聚首欽知過四海驚心仰慎終
鯨域向來陶聖澤承哀今日奈瘵恫

安危大臣在

茫茫宇宙渺無垠立君制治天其仁君難獨理
萬機繁引賢作相任經綸調元撫世百責萃安
危之機繫一身忠邪正偽各類應抗捏榮懷咸
有因杜陵野老述短章感時慕古頗輦呻當時
天下似潰介誰為稷契能亨屯間開梓閭決不
収悵望息兵情酸辛寓縣風塵瀕未開嚴廊坐
籌知何人歸來後世只一轍涿室豈免憂遭迤

擇人毋使棟幹撓只在宗子心精純小臣惟欲
贊皇猷委任賢哲風俗淳千秋永昌宏建業熙
熙專域開陽春

喜雨

同雲翕翕日韜明尾響騷騷夜更鳴膏滋綠疇
人競躍泥深紫陌馬頻驚天心肯數生生理物
色真舍滄滄情從此豐年可收拾會看風露沕
而成

端陽

飛龍臨月窟節氣號端陽淡淡薰風度悠悠白

日長觴蒲斟亦樂筒飯憶堪傷獨有瀛洲客宮
螢啜異香

舜殿歌薰風

垂衣迺五載作樂化群生擊拊煩陳器絃歌獨
寫情南風來小殿新曲暢餘聲愠解財還阜薰
淙時更亨悠揚憐復靜熙洽欲無櫻宵宵思猶
遠徐徐韻自縈俗恬仍氣順形佚自心平四海
功咸戴千秋德莫京明良今幸遇情雖最宜賡
願展憂勤意施恩及寡羸

玉階紅葉

禁裡烟光欲護叢栽培不獨化元工金莖露重
露新艷玉砌風微駐老紅詞客謾窺魂已斷佳
人相伴意無窮良辰易失須頻賞惆悵殘芳在
雨中

湖堂次友人韻

雨後春光綠映得高樓迺賞好開襟風烟落日
無留影嫩葉披披翳樹林
仙家燈火照重窳袞袞清談寂寂宵把手敢辭
幽興之明朝分散恐魂銷

呼韻

暮春湖上集勝事可追古論詩且發興酌酒共
薦枯酒酣我欲仙兩腋如生羽蒼波渺在眼一
舸迷烟雨

日月行黃道

積氣轉圓空日月往來通南北拱樞軸環繞何
馮馮次舍有常度出入天腹中設色號為黃剗
智開昏蒙井斗互相經角婁當其冲太陽健不
息趕天成歲功陰精有虛盈從星以雨風四時
道頗異五色寶昭融體元調玉燭在衡無或訐
紆縮妙順軌運行元不窮此理精且深誰能測

始終謾欲演真訣密勿啓 聖聰短詩思莫展
撮槩安得工仰窺玄象周俯稽託異同庶資位
育化有疑還忡忡

萬柳堤

萬柳交陰處長堤十里斜惹絲春錯莫飄絮月
交加客望迷晴渚風光泛翠霞送行情不極攀
贈路應賒

哀深迫

大祥十韻

搏搏常恨白駒駸諱日 那堪迫再臨苦塊餘生
猶不死風霜遺感更難禁愁腸如割疑逢刃清

血交零謾濕襟縞素替麻還惻念几筵歸廟倍
驚心終天慕極枯楸渺跼地傷多鬢髮侵禮自
先王何敢過情緣真性故相尋哀哀幾廢王哀
學切切將調卜夏琴薦享周旋誠欲盡撫時悲
愴思應深羨墻見顏徒存想突奧安神但起欽
景是一生銜恤處三年忽忽送光陰

虹流華渚

妙合元無閱陰陽變以章天心宵自感人道泐
相將象著機緘秘機凝化育長晴暉遙隱渚流
影欲團祥瑞藹初激稷明虹政射光會精歆有

翼鍾慶啓無疆電統禎全顛龍交異更昌貞符
真可驗隆業固難量海城千年後吾王一德
看星宮嗟久曠嘉祉行元良

天際雲二篇重送盧禎

悠悠天際雲望望不成雨良辰忽已邁離別意
更苦憶君在南方形跡無由覩長疑夢裡尋覺
後空自撫君今到洛下促促還出祖朋友競追
送五馬戾水滸一盃欲紓懷舍情又難吐親年
喜可懼甘旨家愈窶為養有祿仕循墻宜俯偃
私息幸由全歲暮報明主丈夫秉一心近遠貴

能普贈君以何物芳洲攬宿菴

又

悠悠天際雲浩浩欲成雨隨風亂如絲微潤不入土空堂坐支頤世事默自數有來必當去既散還復聚紛紛夢中夢造物以何故君如海上鶴鬢髮振毛羽我如路傍塵飄颻迷處所漢陰一分手佳期杳何許努力勵素業玉音俾無阻

挽成先生守琛

大老今誰在斯文亦已淪淒涼悲舊業顛頽泣幽人漢水不應廢坡山空復春自慙孤陋蹟難

得浥餘塵

又

生知由孝友力學近明誠混混才難盡恢恢德不形百年唯靜勝萬事更幽貞誰載中郎筆敷揚有道銘

又

沉識蒼生望窮途白髮侵浮雲聊抗志流水孰知音野蔓盤荒宅山氛翳暮林空令湖海士愁絕淚沾襟

送奎山僉使柳忠貞

鎮攝招倭館軍憑控海城利深人競羨機仗事
難平蕩佚須存信羈縻戒用明異時曾問說今
日送君行

江頭

炊烟數家隱斜日半江陰卧聽鳴榔響悠悠浮
海心

送軍器僉正金啓以書狀官赴京

明時科第幸逢遭隨分寧辭舌學勞此去不須
金在索向來無歉緼為杞朝端競惜通今士世
外誰知振古豪猥厠交遊輒薄劣贈君惟願此

心操

南樓即事

佳雨早餘至微風吹更休長洲春草合遠岫白
雲浮未慰農夫望空添君子憂高樓消未日瞻
眺謾悠悠

送友人遊金剛山因欲尋師

局束在世間人生空自勤脫然君遠行踏彼金
剛雲飄飄放志意牢落絕塵紛登陟豈耽勝
思愜知聞高峯上不極石室遺蘭芬挹泉冽瓊
漿睨海滅遠氣悠悠天外想杳杳離人群超尋

遇真君面承白黑分理融心獨開疑釋憂方殷
歸來開一室清晝對鑪熏

領府事尚公挽詞

厚德人皆仰崇班世共榮屢陳辭位懇終遂引
年情寓酒親知命彈琴見達生淒涼江上北相
送泣公鄉

又

氣與良工朴才仍大器成應時春有跡甄俗雨
無聲黃閣初傾寵華顛竟謝榮故能全素履自
覺保身名

崔上舍慶昌以詩來投次韻答之

崔氏稟元秀白露浸瓊英韜彩在窮巷騁神周
大瀛奮華恣豪興風雲俄晦明遺我一篇詩浩
蓋極邀情展玩不能已齒頰含餘清欲和安能
追退坐久倚楹我本草莽臣耕田以養生猥憑
文句微登朝懷寵榮譬如草木花殘芳著孤莖
氣弱病又經歷時難得平東湖獲賜暇諱論愧
匪精飽食度日月撫已實怔營積雨塵旱魃長
洲媚新晴矯首送遠眺翛然謝浮名清風拂塵
眼爽氣集華纓遲子一來尋論詩究正聲無為

守寂寞終日換柴荆

蒼梧墓十韻

蒼梧烟雨鎖虛無倦客停驂謾自吁信步荒尋
臨塚墓撫懷遐想仰姚虞化形蒸爨歸師錫德
協欽明治遠敷九考咸熙比屋百揆時叙兆
成都薦天方眷治洪水巡嶽還同蛻鼎湖至德
範圍垂不泯精靈昭格感應孚黃蕉丹荔登祇
祀老木蒼藤蔚暝途拜跪陳詞誰耿正統環興
莫且憐愚政刑文物雖亡矣父子君臣可廢乎
無古今空惻惻不堪人事日趨誇

折檻十五韻

朱雲何許人漢代一男子謁事得上殿慷慨不
能已願賜斬馬劍深情有疇擬當時故多批木
阿授王氏蒲朝競緘默俛首事依倚尚賴吏與
民獻書共在指乾心且微悟師傅謂可恃決疑
斯有問此際分泰否如何老姦魁揣摩翻作詭
仇戎化肝膽宗社勢將圯悠悠誰復陳臣雲空
憤恥折檻豈釣竒忠勁不畏死大呼倘回天誠
激聊復爾嗚呼槐里令我今煩仰止壯懷攄無
由寂寞撫青史

發坡州用董圭峯韻

山勢周遭控伏驂兩行官柳夾遶南涵風細霧
濛初泮帶雨孤燈爇半酣望饁壤歌聞厯落引
驅郵笠見毳毳茲行正好探佳勝描寫篇章恐
未堪

次李真韻

紛紛行役幾時休且攝心情莫自愁蒲榻微涼
生竹簟入簾殘月掛銀鈎病深堪笑身如寄夢
斷還憐世亦浮欲共諸君拚一醉只今霜雪漸
蒙頭

寧賓館

靜憇寧賓館浪浪聽雨聲偷閑聊得便濯熱更
運清舊壁拈新句前山對晚楹涼宵一盃酒吾
與故人傾

中和新刊退溪學庸語錄解疑合

一册先生
間之貽書

大外請焚
燬故作

俗學牽文不完真相承口耳道彌湮流傳劄記
尤滋惑假託師門更誤人焚棄警頌公命我研
磨居業孰求身空庭掃燼還三嘆浮世紛紛足
恠嗔

次汝守韻寄季真

長路不知倦共君懷抱開晴雲
臨盡棟落月轉高槐驚計魂
應斷傷離恨莫裁生陽且運行
行色豈須催

生陽館次王天使韻

輕霧漫山細雨來旋隨風捲日
華開青松掩映侵官閣粉鷓
高張敞射臺水餅涵冰寒在口
香醪寒盃醉迷腮論詩話舊頻
移席不覺墻陰覆綠苔

次汝守韻

湛湛溪流去霏霏草色齊
踈簾通燕入深樹亂鶯啼
談罷幽懷瀉詩成小字題
憑欄閑送落日落淚江西

次汝隱韻

錦繡山前寺大同江上樓
江山自今古往事幾春秋
粉壁留住佳句蒼崖識勝遊
扁舟不迷路余亦泝清流

醉中城字韻季真如守見和復用其韻

一上高亭暢客情江湖蒲地綠
烟生悲歡等是人間事把酒何妨唱渭城

練光亭

城上高樓眼豁然澄光如練靜江天殘樽更惜
餘霞散銀燭高燒照綺筵

快哉亭

表裡江山一望中樓臺隱映白蘋風憑欄緬想
前朝事烟樹茫茫思不窮

次張 天使韻

行塵袞袞解淹裝謾棹樓舡倚夕陽錦繡山館
平野澗綾羅鳥接海天長嬋妍物色添詩料爛
熳風光入醉鄉更上高亭迓勝賞夜深星月動

蒼茫

百样樓次雲岡韻

古堞屹層樓憑欄眺望幽穹窿專勝地瑰詭稱
名州芳草迷晴岸長林偃複洲烟霏翰遠矚風
物動遐陬積甬天邊秀殘霞日下收玲瓏望蜃
構廓落况鵬遊樽俎牽清興諧嬉倚罰等氣豪
飛逸鶴遙侈角肥牛羨景知難攬良辰幸與游
畫榭棲碧藻雕礎壓玄虬漁賈帆收港征夫掉
綴艘柳絲簾外亂荇帶浪前浮濯熱疑無夏追
涼却似秋渚清迷宿鷺沙晚集輕鷗按部奔雲

髻凝粧拖錦旒香光後蘭芷冷影碎梧楸北挾
郊原澗南臨館宇周市塵魚鱉富村墅稻梁稠
語燕時營壘潛龍或在湫興亡歸一貉成敗共
孤丘葦笠逢樵叟簑衣見釣流隋兵曾懍懍麗
葉竟悠悠折戟知沉鐵崩掇認碾溝明時人極
樂秦治事何憂倦客懷清想佳人慘別愁椎隍
恢不墜俊彩煥仍修寄目初償願冥神更欲投
驅馳非世務詞句乏良謀題品聊憑意徘徊只
快眸錦鱗頻擲鏡黃犢正眠疇牢落欲荒剝蒼
茫蔽古區吁嗟悲陷溺感慨吊天劉破硯難陶

趣花殘更倚俦夕陽霞鶯遠良夜夢魂休玉署
思揮翰金閨憶告猷瀉襟開卷軸耽樂謝竺篔
浩爾無鈞象飄然不繫舟賓厨慙給從寮席愧
羅羞鄙意誰相信微章謾欲謳英脩蒙厚與雜
佩荷勤酬天地三才道山河一點漚寓形復自
疆流景豈堪留百歲應難久三山未易求素心
同楚璞剗事撫兵鈞且保憑玄運無勞嘆白頭
玉連環體用蘇二相韻

載名途鬢染塵牛糞迹送秋春臨嬌杏紅迷帝
拂仙桃碧墮茵竊誤思來樂地從微分慈明宸

佳脍恹游觀富畝當時枉苦辛

又

千羨酒後行塵沃松林四擁春下斷雲連海岱
頭飛雨溷辱首忙敗興頻思睡老懷榮苦慕宸
值首庚身作客論情抱謾含辛

次百祥樓韻

樓前景物幻神工樓下滄江碧映空長笛幾聲
風撼樹殘霞一抹月侵櫂清幽似入玄都觀縹
緲疑連紫極宮笑指西瀛又清淺古來陳迹淡
烟中

城北樓高鬼效工翱翔雲際壓晴空香山縹氣
飛朱拱渤海祥光隱盡攏朗月照襟開玉界仙
風吹夢落瓊宮悠悠往事誰憑問一曲漁歌細
雨中

到良策用蘇相韻述懷

昔居海南村閉門修苦節衆草波幽蹊孤松傲
霜雪終然名所誤轉徙難具說蕭疎鬢髮乾寂
寞壯心折郊園見濯濯牛羊又侵茁舊學茫無
徵危途足頻滑惟思反初服永與人世絕蒙
恩既稠疊憫嘿不忍決今衙從事命喜得聯

鄭薛空館夜無寐獨立望新月

次汝守韻

外集

傍寒路將盡衝炎愁亦多
夜窓風撼枕晨路雨
侵簑泥滑翻平陸溝盈漲
淺沙行行近前館林
外見村家

與崔雲老張應文金仲顯及諸君帶月步川
邊捕魚作膾遂登甫山四眺夜分而歸明朝

有記

倦暑夜行謠往至清波邊嘉朋亦已集沙上相
黃緣遙峯吐清月浩彩蒲中天暝色一以退曠

野何蒼然笑談欣有獲舉網膾銀鮮興言循澗
步携袂泝且泓弱湍文鱗躍亂碕白鷗眠攀援
上甫山華露襲涓涓朗然發孤嘯涼風吹微烟
夜久群動靜境絕眺望全羈情謝跼踖曠志得
踴躍歸途影自散幽興詩可傳茲遊或有繼聊
記庚戌年

夜成

寒夜不成夢孤吟對短檠月上照疎竹窓明分
細蟲鄰犬元多警村巷自送聲默然誰開抱悠
悠百感生

讀書

讀書求見古人心反覆唯應著意深見得心來
須體認莫將言語費推尋

次圓機韻

屢說探杯勝尋常惱醉歌寒梅初落後細草欲
生時意妙慙新學詞深脫舊知悠悠情不極寫
出畫中詩

萬景樓呈主宰兼奉鄭丈靜而

五月登臨萬景樓涼風颯颯動高秋黃雲膩卧
農逢歲絳雪圍枝客撥愁乘興一盃聊款款相

思三載更悠悠南荒瘴癘開清話誰使幽憂白
蒲頭

士久再用尋字韻詠登頂之意次韻

山逼天宮近湖涵地軸深長風吹積氣落日隱
層陰小酌仍催興周觀更費吟異時懷絕境應
起挾仙心

龍巖用朱子韻

巉巖迥群峰勢若擁公觀浩渺俯極浦何異臨
清漢誰構梵王宮棲迹山海畔來尋石路冥悵
望魂已斷攀緣窘幽步寄宿發浩歎今晨豁遠

眺意驚魯侯泮乘桴仰仲尼分陝慕叔旦安知
集陳隼不是楛矢貫

道岬住持雪峻上人詩軸有龍門題字次韻
贈之

聞道龍門術已專吾師曾款靜中筵應憐揚子
窮玄首頗憶翁記白蓮浮海只今空有意買
山從此恐無緣要知千聖相傳旨不在君邊在
我邊

登九井峰

稟性若疎迂處世良畸孤軒冕望已乖巖壑思

還紆振策作遠遊扁舟載病軀縈波去何向月
色磨清湖舍棹更理袞梵宮初踟躕黃昏抵上
方石路何崎嶇天公故享我猛雨來須臾烟收
海色靜木落山容癯群行陟危顛縱觀臨積蘇
蒼茫望不極往來如蟪蛄帝居問何許仰天長
嘻吁大陽迫西溟烈風搜雲衢森然魂魄動躑
躑尋歸途禪房卧不睡萬景育中輸石狀自竒
恠謬說應相誣安知開關初融液流洪鑪成形
亦自然孰非為範模明理以祛惑吾將師先儒
到三尊偶吟

千巖萬壑孕扶輿磅礴崔嵬截太虛氣接蓬萊
迷鳳鶴影沉溟海走龍魚烟霞縹緲春生後劍
戟騰凌雨洗餘一冒垂堂窮絕頂長風浩浩欲
飄裾

次崔孤雲韻

雷霆白日動擯密流沫終歸碧海間盈縮一機
人不識只疑泉脉發空山
用晦庵韻紀登峰之勝

逍遙幡厚地騰蹕聳危峰噴雲蔽半腹帶經紆
幾重林間棲釋子松檜蔭珠宮求謝塵外踪朝

暮撞寒鑪來遊躋家頂始知元氣鍾俯仰紫霞
中襟袖涵清風

次天成登天王峯韻

健步凌高嶽閑吟倚絕巔仙居疑咫尺塵界隔
三千縹緲初經雨微茫更帶烟岡巖爭倚薄川
谷互包纏老樹蒼崖側幽堂紫極邊陀陀隆厚
地崔嵬入晴天綠髮來潛客紅顏隱散仙氣窮
神併感精蓄勢還連揚譚流形外絨機真位前
朱垠知作鎮碧海想窮專探歷應多矣歸藏合
有焉冥心思古釋寓跡憶先賢名字欽留碣風

高峯集一
沈悵逝川羈樓空自擬薄劣詐相肩竹杖憑孤
嘯雲溪任卷旋藤蘿行處引泉壑坐時牽麋鹿
難加服塵埃敢著鞭佳期渾易卜勝事不須穿
已謝悠悠也終成浩浩然長鏡託餘命採斲可
終年

次太雲詩軸韻

我遊智異山大乘偶三宿有僧朝暮來屢對雙
眼碧吾道久否塞闢之心須廓願我力已薄悵
念身幸側留語警汝僧慎莫判心迹

大乘諸僧為設飲食厚意可感臨別有贈

窮山結屋更何為鎖紙耽空不畏飢天理本明
那有此人心多惑至如斯留情款曲知難答措
世雍熙漫欲期待我遇時恢大化華胥風日共
相宜

用晦庵韻述懷

低頭地既厚仰面天更高譬如水中魚深逝何
所逃聰明作男子我生非不遭寄跡山海畔清
絕聞松濤不學龍伯人跨海釣連鰲凝心玄化
初空界棲一毫末嘯倚孤峰閑釋庖丁刀烟霞
攬竒秀造物恠我餐哀情有所慕肯嫌雙脚勞

高華集一
揮手謝世間馭風躡鴻毛俯視積蘇中群動爭
滔滔起滅猶蟻蜂安用費祀搔

主人為設酌後日晚步出前溪

清溪落日共盤旋興在雲巖窈窕天腰鼓幾聲
山欲裂不妨携手舞蹁躑

送崔景甫宣慰之行

扶桑有客來乘木紫禁儒公擇善辭將命以宣
孚已洽匪躬言邁路應夷撫綏異俗須披腹防
制姦心在察眉專對莫難難不辱慕君詩學克
奚為

東隣自昔多姦梗街命安邊不數人聖代澤深
來貢龍鯨波風息引通津延艘館待恩何厚選
使溫存禮更親從此百年無外侮採風歌頌驗
同仁

山堂寒日

一室空山裡蕭條歲欲窮凍泉時自汲枯枿且
相烘靜憇窓間日閑聽谷口風生涯聊可慰此
意與誰同

千山雪漲溪

風墮千山雪寒溪漲欲平潮光處不退月色晚

猶明巖谷猿啼吟松梢鶴夢驚遙知灞橋上詩
興未應清

天上秋期近

悠陽收畏日寥朗展高天漸覺涼風洒仍看玉
露懸紛紛摧老物疊疊送流年奔走紅塵裡空
唵蟋蟀篇

次環碧堂宋判府韻

萬古仇池巖小天白雲閑影自年年危亭據石
非無水華屋依林更有山不是遶頭甘落拓應
同谷口云黃綠人生好醜君休說且把深杯發

浩然

臨流亭公變和韻復次之

松梢清月上悠悠把酒臨流散百憂人世幾看
榮又悴醉中渾覺此生浮

送朴和叔赴韓山

公館非無酒殘醪幸自持一麾君出守數語我
相規稼牧須旌淑樵漁任遂宜他年解綬幽
卜故堪期

用光牧韻

客路相逢興易漫一杯聊復借紅顏久知城郭

真多事併覺雲林亦不閑風力漸輕烟拂樹春
光難動雪埋山向來把手無窮意且自悠悠任
社還 痛悼領敦寧十韻

樹德綿綿拾芥相門承緒葆休光 三家翊
戴勤勞父壺範柔嘉輔導良國舅名尊孚衆望
崇班祿富與時臧棲心物外遺軒冕寓跡朝端
戒怠荒公道不張憂已切權臣難斥志應傷扶
持實有千鈞重秉正深存百鍊剛嬰疾累年須
勿藥鎮浮終世擬毋忘囂塵徒脫悲何遽澤怒
舟移恨更長文女巧締謀爭欲騁忠賢推臆謾知

歲九重亦覺無依仗痛悼餘懷孰敢量

次友人韻

壯夫逐卯申終世隨名韉脫然物外遊歷盡
山岡揮手謝世人矯首追洪荒冥冥不可解泪
汨徒自傷

抱病偶吟

自嗟受氣薄疾病紛相乘冷結腹中塊愁牽
上繩連宵吟更苦累日患彌增默默坐樵枿
生何足憑

禹會村

高峯集一
殺湍湮水更流山地謚夫成指顧間曆數在躬
終陟后會同徵禮先除頑衣冠萬國儀難觀
木孤村跡未刪落日臨風空慕古專車枯骨
應班

送晉州牧使盧稹

彩服分符日丹心慕闕時一身忠更孝萬事義
兼私劇地煩遊刃疲民任蹙眉拾榆真是樂
莫
勿賦歸辭

蘇門長嘯

棄世依山頂悠悠白日長緘機稍無悶對客輒

相忘意自圓間朕聲從律外揚林巒餘振響虛
覺下鸞皇

次君沃用杜律韻贈別韻

中天建極履初年詔札明頒德洽然鯨域遠
臨持節使龍濟先候接賓筵驅馳鞍馬形骸瘁
跋涉山河日月綿慙愧不才空自苦歸心還向
五雲邊

途中謾成

行役不遑息悠悠多苦顏逶迤渡綠水迢遞望
青山夜宿故都館朝臨西海關遙知候客處累

日亦難還

又

賤子素多病，茲行尤不安。魂傷臨事眩，氣乏接人難。夜枕恍無夢，朝盤空對餐。扶持須藥物，三事庶能完。

道後倪抵金郊用容齋青石道中韻

趁驛難尋徑，非關七聖迷。澗溪知樹密，巖岫想雲棲。淮擬三秋日，相隨一篋携。行行涉幽趣，醉卧古臺西。

次李真開城感舊韻

欲向開京問，始終當時遺迹久。成空高山岌業，猶存鎮蔓草。縈纏故作葦，步屣徘徊沉皓月。引驟臨眺慘悲風，興亡自古堪垂涕。安得為圖戲禁中。

慈秀山

慈秀溪山好，儒仙舊揭名。嶠巖神所鑿，澄澈鏡如明。暗竇寒泉冽，陰崖細草榮。經過愜幽賞，一笑散塵纓。

次祁 天使韻三首

窓外南山翠欲堆，輕衫徙倚客襟開。蒼茫雲日

收炎熱窈窕巖崖淨埽埃漢業中分元曆建箕
封秉禮重書來皇朝選使知常重酬唱叅僭愧
不才
驟駢倦暑駐黃州勝宴高張廣遠樓山外紛紛
踈雨落池中點點小荷浮吟餘豪興輕枯硯醉
後狂言笑直鉤千載風流今不朽梁園卓犖想
放鄒

恣恣行色未登樓偶此憑欄豁遠眸列樹參差
風際動輕嵐散漫日邊流清溪活活生新漲佳
穀兀兀長奮疇勝地盛筵增景致足知平海說

名州

次李真韻

長林芳草路高低雲裡層城望欲迷一棹紅亭
乘碧浪片帆遙指綵虹西

次安定館韻

扶桑曉色上金鴉催撥行裝正憶家茂樹烟消
啼好鳥空庭風淡落輕花呀咻吏卒爭排路堆
積盤飧謾趁衙驅馬冒炎愁不歇清陰何處竹
生芽

次迎春堂韻

多生董血未滿腸客裡懷榮又憶鄉海上孤城
圍百雉閣中企髻擁三行悲歡半世暮雲斷去
往一時飛鳥忙欲謝簪纓保餘齒且憑筋力荅
吾王

私奉令案

愧我難藏拙多君不失親禁林清邃地禮數啓
居晨擬語空舍意相隨却畏人何當遇清夜舉
酒看冰輪

又

自應無貌敬端要置心親脉脉虛經日依依謾

達晨風烟思故里偃仰憶幽人賴有清詩至渾
疑對野輪

又

崖嶽休相覲心肝切作親巨鱗遊雨壑孤鶴警
風晨蕩蕩時無事頽頽世有人不才何可補趨
走傍朱輪

又

兀弟天南極依依夢裡親幾回眠月夕還復步
花晨一笑憑高枕餘懷愴遠人無從問離合瞻
仰想風輪

又
小屋曾經始安排
手自親竹風鳴
未夜松日破
微晨共瀉鄰家酒
頻來野外人
相思渾欲老
孤月幾成輪

又
縹緲蒼山色
踈檣若可親
刻圭浮日凝
黛露晴晨未作餐
霞客空懷拄笏
入南崖有方丈
早晚駕鸞輪

又
撥寂存尤物
幽花好自親
弱條縈細霧
殘片耀

清晨淡淡渾無語
娟娟故向人
那堪風雨至
眼看月摧輪

又
君詩如野鶴
迥拔世誰親
瀛海孤棲處
蓬山獨唳晨
數編堪瑞世
一字要驚人
會作冲空去
無勞翹若輪

偶吟
報本空餘詠
采蘋故山遙
憶露濡春棲
遲且作塵中客
歸去聊憑夢
裡人古木蒼松
誰是主清溪白石
久無鄰何時得
遂田園與兄弟
相看一

笑新

落日悠悠獨倚欄
眼中人事似飛湍
衛生誰畜三年艾
謀食爭緣百尺竿
萬里雲山空疊翠
樂家高閣謾流丹
衰榮不覺同歸盡
堪笑吾生作計難

書堂 御題 亞歲

陰陽妙不息
八節森回旋
剝盡陽復生
綿綿駘窮泉
白日此南至
弱線切方運
金闕透新條
千官擁蟬聯
稽首祝萬春
禮優儀不虧
輝赫亞元正
洋洋大平年
常聞聖垂教
至日開闔焉
安

息商猿夔和理無偏羨
觀備後世古人意不傳
順天默施化修身防未然
位育自可致坤圮無
旁邊小臣斐然歌敢獻
楓宸前

書堂醉次叔獻韻

碧霄紅日映烟景
隱晴湖沙鳥飛相喚
芳籬亂欲蕪
新詩如切玉
諧語類懷珠
向晚滄洲上
誰堪倒百壺

高峯先生文集卷第一



